

漢魏六朝百三家集

梁

梁元帝

第六十九冊

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

U. 69-72

簡文帝法寶聯璧序

竊以觀乎天文。日月所以貞麗。觀乎人文。藻火
所以昭發。况復玉毫朗照。出天人之表。金牒空
解。生文章之外。雖境智冥焉。言語斯絕。詠歌作
焉。可略談矣。粵乃書稱湯誥。篇陳夢說。昔則王
畿居亳。今則帝業維揚。功施天下。我之自出。豈
與姚墟石紐。譙城溫縣。御龍居夏。唐杜入周而
已哉。皇帝垂衣負屨。辨方正位。車書之所會同。

PL
2494
H38
1879
V.69-72

南暨交趾風雲之所沾被西漸流沙武實止戈
秉宜生之劒樂彰治定滅庖犧之瑟相兼二八
知微知彰將稱四七如獵如虎寧俟容成翠屋
之遊廣成石室之會故以宗心者忘相歸憑者
常樂昔轉輪獲法南宮有金龍之瑞梵天請道
東朝開寶蓋之祥盡善盡美獨高皇代古者所
以出師入保冬羽秋籥實以周頌幼冲用資端
士漢盈末學取憑通議大傅之論孟侯小戴之
談司業山川珍異俟郊迎而可知帷幄後言籍

墾田而求驗。以今方昔。事則不然。我副君業邁
宣尼。道高啓筮之作聲。超姬發。甯假卞蘭之頌。
譬衡華之峻極。如渤澥之波瀾。顯忠立孝。行修
言道。博施尚仁。動微成務。智察舞雩。爰分封蟻。
爰初登仕。明試以功。德加三輔。威行九流。董師
虎據。操鉞蟬冕。津鄉沈濟。物仰平分之恩。沂岱
邛岷。民思後來之政。陳倉留反裘之化。淮海高
墨。幘之聲威。漸黃支。化行赤谷。南通舜玉。北平
堯柳。朝鮮航海。夜郎款塞。然後體道方震。雨施

雲行漢用戊申。晉維庚午。增暉前曜。獨擅元貞。
恩若春風。惠如冬日。履道爲輿。策賢成駟。降意
韋編。留神緇帙。許商筭術。王園射譜。南龜異說。
東馳雜賦。任良奕碁。羨門式法。箴興琴劍。銘自
盤盂。無不若指諸掌。尋涇辯渭。重以鳳艷風飛。
鸞文飈監。纖者入無倫。大者含元氣。韵調律呂。
藻震玄黃。豈俟取讚彥先。詢聞雅主。至於鹿苑
深義。龍宮奧說。遠命學徒。親登講肆。詞爲憲章。
言成楷式。往復王粲。事軼魏儲。酬答蔡謨。道高

晉兩似懸鐘之應響。猶衢尊之待酌。率邇者踵
武。逖聽者風聲。是使金堅閉法寶。冥夕夢無懷。
不滅華胥。夜感自非建慧橋。明智劍薰戒香。沐
定水。何以空積忽微。塵賢劫而終現。黍累迴幹。
蘊珠藏而方傳。加以大秦之籍。非符八體。康居
之篆。有異六爻。二乘始闢。譬馬傳兔。一體同歸。
棄犀崇象。潤業滋多。見思平積。本有凝邈。了正
相因。雖談假續。不攝單影。卽此後心。還蹤初焰。
俱宗出倒。蓮華起乎淤泥。竝會集藏。明珠曜於

貧女。性相常空。般若無五時之說。不生煩惱。涅槃爲萬德之宗。無不酌其菁華。撮其旨要。採彼玳鱗。拾茲翠羽。潤珠隨水。抵玉崑山。每至鶴關旦啓。黃綺之儔朝集。魚燈夕爛。陳吳之徒晚侍。皆仰稟神規。躬承睿旨。爰錫嘉名。謂之聯璧。聯含珠而可擬。璧與日而俱升。以今歲次攝提星在監德。百法明門於茲總備。千金不刊獨高斯典。合二百二十卷。號曰法寶聯璧。雖玉杯繁露。若儔蒹葭。金臺鑿楹。似吞雲夢。繹自伏櫪西河。

攝官南國十廻鳳瑄。一奉龍光。筆削未勤。徒榮
卜商之序。稽古盛則。文慙安國之製。謹抄纂爵
位。陳諸左右。

使持節平西將軍荊州刺史湘東王繹年二十
七字世誠

侍中國子祭酒南蘭陵蕭子顯年四十八字景

散騎常侍御史中丞彭城劉溉年五十八字茂

灌

散騎常侍步兵校尉東官侍南琅邪王修年四
十二字彥遠

吳郡太守前中庶子南瑯邪王規年四十三字
威明

都官尚書領右軍將軍彭城劉孺年五十五字
孝穉

太府卿步兵校尉河南褚球年六十三字仲寶
中軍長史前中庶子陳郡謝儵年四十五字國
美

中庶子彭城劉遵年四十七字孝陵

中庶子南瑯邪王穉年四十五字孺通

宣城王友前僕東海徐喈年四十二字彥邕

前御史中丞河南褚灃年六十字士洋

北中郎長史南蘭陵太守陳郡袁君正年四十

六字世忠

中散大夫金華宮家令吳郡陸襄年五十四字

師卿

中散大夫瑯邪王藉年五十五字文海

新安太守前家令東海徐摛年六十四字士績
前尚書左丞沛國劉顯年五十三字嗣芳

中書侍郎南蘭陵蕭幾年四十四字德玄

雲麾長史尋陽太守前僕京兆韋稜年五十五
字威直

前國子博士范陽張綰年四十三字孝卿

輕車長史南蘭陵蕭于範年四十九字景則

庶子吳郡陸罩年十八字洞元

庶子南蘭陵蕭瑱年四十字文啓

祕書丞前中舍人南瑯邪王許年二十五字幼
仁

宣城王文學南瑯邪王訓年二十五字懷範

洗馬權兼太府卿彭城劉孝儀年四十九字子

儀

洗馬陳郡謝禧年二十六字休度

中軍錄前洗馬彭城劉蘊年三十三字懷芬

前洗馬吳郡張孝總年四十二字孝總

南徐州治中南蘭陵蕭子開年四十四字景發

平西中錄事參軍典書通事舍人南郡庾肩年
四十八字子慎

北中記室參軍潁川庾仲容年五十七字仲容
宣惠記室參軍南蘭陵蕭滂年三十二字希傳
舍人南蘭陵蕭清年二十七字元專

宣惠主簿前舍人陳郡謝嘏年二十五字茂範
尚書都官卽陳郡殷勸年三十字弘善

安北兵參軍彭城劉孝威年三十九字孝威

前尚書殿中郎南蘭陵蕭愷年二十九字元才

內典碑銘集林序

夫法性空寂。心行處斷。感而遂通。隨方引接。故
鵲園善誘。馬苑弘宣。白林將謝。青樹已列。是宣
金牒。方寄銀身。自象教東流。化行南國。吳主至
誠。歷七霄而光曜。晉王畫像。經五帝而彌新。次
道孝伯。嘉賓玄度。斯數子者。亦一代名人。或脩
理止於伽藍。或歸心盡於談論。銘頌所稱。興公
而已。夫披文相質。博約溫潤。吾聞斯語。未見其
久。班固碩學。尚云讚頌相似。陸機鉤深。猶聞碑

賦如○一○唯○伯○喈○作○銘○林○宗○無○媿○德○祖○能○誦○元○常○
善○書○一○時○之○盛○莫○得○係○踵○况○般○若○弘○淵○真○如○妙○
密○觸○言○成○累○係○境○非○真○金○石○何○書○銘○頌○誰○闡○然○
建○塔○紀○功○招○提○立○寺○或○興○造○有○由○或○誓○願○所○記○
故○鐫○之○立○石○傳○諸○不○朽○亦○有○息○心○應○供○是○曰○桑○
門○或○謂○智○囊○或○稱○印○手○高○座○擅○名○預○伊○師○之○席○
道○林○見○重○陪○飛○龍○之○座○幾○眉○廬○阜○之○賢○鄴○中○宛○
鄧○之○哲○昭○哉○史○冊○可○得○而○詳○故○碑○文○之○興○斯○焉○
尚○矣○夫○世○代○亟○改○論○文○之○理○非○一○時○事○推○移○屬○

詞之體或異。但繁則傷弱。率則恨省。存華則失體。從實則無味。或引事雖博。其意猶同。或新意雖奇。無所倚約。或首尾倫帖。事似牽課。或闕復博涉。體製不工。能使艷而不華。質而不野。博而不繁。省而不率。文而有質。約而能潤。事隨意轉。理逐言深。所謂菁華無以間也。予幼好雕蟲。長而彌篤。遊心釋典。寓目詞林。頃常搜聚。有懷著述。譬諸法海。無讓波瀾。亦等須彌。同歸一色。故不擇高卑。唯能是與。倘未詳悉。隨而足之。名爲

內典碑銘集林合三十卷庶將來君子或裨觀
見焉

職貢圖序

竊聞職方氏掌天下之圖四夷八蠻七閩九貉
其所由來久矣漢氏以來南羌旅距西域憑陵
創金城開玉關絕夜郎討日逐覩犀甲則建朱
崖聞蒲萄則通大宛以德懷遠異乎是哉皇帝
君臨天下之四十載垂衣裳而賴兆民坐巖廊
而彰萬國梯山航海交臂屈膝占雲望日重譯

至焉。自塞以西。萬八千里。路之狹者。尺有六寸。
高山尋雲。深谷絕景。雪無冬夏。與白雲而其色。
冰無早晚。與素石而俱貞。踰空桑而厯昆吾。度
青邱而跨丹穴。炎風弱水。不革其心。身熱頭痛。
不改其節。故以明珠翠羽之珍。細而弗有。龍文
汗血之驥。卻而不乘。尼邱乃聖。猶有圖人之法。
晉帝君臨。寔聞樂賢之象。甘泉寫闕氏之形。後
宮玩單于之圖。臣以不佞。推轂上游。夷歌成章。
胡人遙集。欵關蹶角。沿泝荆門。瞻其容貌。訴其

風俗加有來朝京輦。不涉漢南。別如訪採。以廣
聞見。名爲貢職圖云爾。

忠臣傳序

夫天地之大德曰生。聖人之大寶曰位。因生所
以盡孝。因位所以立忠。事君事父。資敬之理。甯
異爲臣爲子。率由之道。斯一忠爲令德。竊所景
行。且孝子烈女逸民。咸有別傳。至於忠臣。曾無
述製。今將發篋陳書。備加論討。

忠臣傳死節篇序

自非識君臣之大體。鑒生死之弘分。何以能滅
七尺之軀。殉一顧之感。然平路康衢。從容之道。
進。危塗險徑。忠貞之節。興。登平路者。易爲功。涉
險塗者。難爲力。從容之用。世不乏人。忠貞之槩。
時難屢有。

孝德傳序

夫天經地義。聖人。不加。原始要終。莫踰孝道。能
使甘泉自涸。鄰火不焚。地出黃金。天降神女。感
通之至。良有可稱。

全德志序

老子言全德歸厚。莊周云全德不刑。呂覽稱全德之人。故以全德創其名也。此志陸大夫爲首。伊人有學有辯。不夭不貧。寶劍在前。鼓瑟從後。連環炙輠。雍容卒歲。駟馬高車。優遊宴喜。旣令公侯踞掌。復使要荒蹶角。入室生光。豈非盛矣。若乃河宗九策。事等神鈞。陽雍雙璧。理歸玄感。南陽樊重。高閣連雲。北海公沙。門人成市。客此八龍。各傳一藝。夾河兩郡。家有萬石。人生行樂。

止足爲先。但使樽酒不空。坐客恒滿。甯與孟嘗
聞琴承睫。淚下中山。聽樂悲不自禁。同年而語
也。

丹陽尹傳序

傳曰大夫受郡。漢書曰尹者正也。及其用人實
難授受。廣漢和顏接下。子高自輔經術。孫寶行
嚴霜之誅。袁安留冬日之愛。自二京板蕩。五馬
南渡。固乃上燭天文。下應地理。爾其地勢可得
而言。東以赤山爲成臯。南以長淮爲伊洛。北以

鍾山爲華阜。西以大江爲黃河。旣變淮海爲神
州。亦卽丹陽爲京尹。雖得人之盛。頗愧前賢。而
眎遇之深。多用宰輔。皇上受圖負宸寶。厯惟新。
制禮以告成功。作樂以彰治定。豈直四三皇六
五帝。孕夏陶周而已哉。若夫位以德敘。德以位
成。每念忝蒞京河。茲焉四載。以入安石之門。思
勤王之政。坐真長之室。想清談之風。求瘼餘晨。
頗多暇景。今綴采英賢爲丹陽尹傳。

懷舊志序

吾自北守琅臺。東探禹穴。觀濤廣陵。面金湯之
設險。方舟宛委。眺玉笥之干霄。臨水登山。命儔
嘯侶。中年承乏。攝牧神州。戚里英賢。尚冠髦俊。
蔭真長之弱柳。觀茂弘之舞鶴。清酒繼進。甘果
徐行。長安郡公爲其延譽。扶風長者刷其羽毛。
於是駐伏熊羆。廻結駟。命鄒湛。召王祥。顧而言曰。
斯樂難長。誠有之矣。日月不居。零露相半。素車
白馬。往矣不追。春華秋實。懷哉何已。獨軫魂交。
情深宿草。故備書爵里。陳懷舊焉。

洞林序

蓋聞玄枵之野。鬼方難測。朱鳥之舍。神道莫知。而緹幔曉披。旣辨黃鍾之氣。靈臺夕望。便知玉井之色。復以談乎天者。雖絕名言之外。存乎我者。還居稱謂之中。余幼學星文。多厯歲稔。海中之書。略皆尋究。巫咸之說。偏得研求。雖紫微迢遞。如觀掌握。青龍顯晦。易乎窺覽。羨門五將。亟經玩習。韓終六王。常所寶愛。至如周王白雉之筮。殷人飛燕之卜。著名聚雪。非關地極之山。卦

有密雲能擁西郊之氣。交通七聖。世經三古。山陽王氏真解談玄。河東郭生。纔能射覆。兼而兩之。竊自許矣。

廬山碑序

夫日月麗天。皇窮所以貞觀。川嶽帶地。后土所以維常。廬山者。亦南國之德鎮。雖林石異勢。而雲霞青色。長風夜作。則萬流俱響。晨廳曉吟。則百嶺忠應。東瞻洪井。識曳帛之在茲。西望石梁。見指寶之可拾。誠復慕類易慈。山中難久。攀蘿

結桂。多見淹留。

忠臣傳諫諍篇序

富貴寵榮人所不能忘也。刑戮流放人所不能
甘也。而士有冒雷霆犯顏色。吐一言。終知自投
鼎鑊。取離刀鋸。而曾不避者。其故何也。蓋傷茫
茫禹跡。毀於一朝。赫赫宗周。滅成禾黍。何者。百
世之後。王化漸頹。欽若之信。旣盡。解網之仁。已
泯。徒以繼體所及。守器攸歸。出則清警傳路。處
則憑玉負宸。事無暫舛。意有必從。所謂生於深

宮之中。長於婦人之手。未嘗知憂。未嘗知懼。况
惑衰人之巧笑。迷陽阿之妙舞。重之以刻斲。用
之以逋逃。亦有傾天滅地。汙宮瀦社之罪。拔本
塞源。裂冠毀冕之釁。於是策名委質。守死不二
之臣。以剛腸疾惡之心。確乎貞一之性。不忍見
霜露麋鹿。棲於宮寢。麥穗黍離。被於宗廟。故瀝
血抽誠。披胸見欵。赴焦爛於危年。甘滅亡於昔
日。冀桐宮有返道之明。望夷無不言之恨。而九
重懸遠。百雉嚴絕。丹心莫亮。白刃先指。見之者

掩目。聞之者傷心。然後鳴條有不收之魂。商郊
至白旗之戮。

揚州梁安寺碑序

竊以陽之有宗者。莫擬於靈鳥。夜之有光者。孰
踰於陰兔。故以日門見羲和之色。月殿望奔娥
之象。而合璧迢遞。丈尺猶且莫量。朗鏡悠遠。積
空之所不筭。復有紫鳳青龍之水。却月朝霞之
山。白珪玄璧。餞瑤池之上。銀闕金宮。出瀛州之
下。空臺四柱。隨仙衣而俱颺。寶壑三重。映瑞圓。

而涵影。旃檀散馥。無復圓覺之風。地涌神翁。皆
成多寶之塔。

與張纘詩 存序

簡憲之爲人也不事王侯負才任氣見余則申
旦達夕不能已已懷夫人之德何日忘之

梁元帝集卷三
七

梁元帝集卷三
七

梁元帝集卷三
七

梁元帝集卷三
七

梁元帝集卷三
七

梁元帝集卷三
七

贊

忠臣傳寄託篇贊

太真英挺投袂勤王伯猷蹈節身殞名揚嶷嶷
景倩主亡與亡嗟乎尚矣惟國之良

忠臣傳諫爭篇贊

子政鏗鏗誠存社稷朱雲折檻遂其倖直

忠臣傳執法篇贊

設官分職咸曰師師彼已之子邦之直司豺狼
當路安問狐狸昏明有世直道無時

孝德傳皇王篇贊

天子之孝曰聖與仁、重瞳表德、參漏通神、皇矣
高祖、連鑣舜禹、天經地義、重規沓矩、道踰七十
聲超三五、

孝德傳天性篇贊

生之育之、長之畜之、顧我復我、答施何時、欲報
之德、不可方思、涓塵之孝、河海之慈、廢書歎息、
泣下漣漣、

職貢圖贊

北通玄兔。南漸朱鳶。交河悠遠。合浦廻還。茲海
無際。陰山接天。遐哉鳥穴。永矣雞田。

蘇軾詩集卷之三

一

一

蘇軾詩集卷之三

蘇軾詩集卷之三

銘

漏刻銘

玉衡稱物。金壺博施。司南司火。未符茲義。帝曰
欽哉。納隍斯臂。實惟簡在。窮神體智。宮槐晚合。
月桂宵暉。清臺莫爽。解谷胥依。七分六日。五祀
三微。事齊幽贊。乃會通幾。碧海有乾。絳川猶竭。
飛流五色。涓涓靡絕。龍首旁注。仙衣俯裂。箭不
停晷。聲無暫輟。用天之貞。分地之平。如弦斯直。
如渭斯清。

東宮後堂仙室山銘

太華削成本擅奇聲峰如雪委嶺若蓮生雲除
紫葢霞通赤城金壇是籙玉記題名鳳依桐樹
鶴聽琴聲殿接南箕橋連北斗秋河從帶春禽
銜綬朱鳥安牕青龍作牖

香爐銘

蘇合氤氲非烟若雲時穠更薄乍聚還分火微
難盡風長易聞孰云道力慈悲所薰

梁安寺刹下銘

阿閣危羅。洞房辟窾。似靈光之金扇。類景福之
銀鋪。垂琬琰之文璫。飾琅玕之仙寶。神童戾止。
亟連翩於威鳳。薩埵來遊。屢徘徊於紺馬。有識
之所虔仰。無著之所招提。觀慧樓而下拜。望天
街而興善。辭曰。塵沙無始。造色無先。飛蛾不息。
縈蠶自纏。篋蛇未斷。藤鼠方緣。苦流長汎。愛火
仍燃。髻珠孰曉。懷寶詎宜。挺茲靈覺。時惟天仙。
真藉表聖。化乳稱權。寶剎千道。高翻四懸。鳳樓
含日。龍臺吐煙。紫山翠羽。紅水青蓮。雪宮月殿。

晨暉夜圓。宵長梵響。風遠鐘傳。仙衣有拂。靈刹
無邊。

碑

皇太子講學碑

皇太子游雷種德重離作兩業冠孟侯道高上
嗣宮牆累仞高山仰止承華之闈更似通德之
門博望之園反類華陰之市家丞庶子並入四
科洗馬後車俱通六學轉金路而下辟雍晬玉
裕而經槐市詳其懸鏡高堂衢樽待酌瞻後忽
前博文約禮將使東極長男之宮不獨銘於銀
榜南皮太子之序豈徒擅於金碑。

鍾山飛流寺碑

清楚夜聞風傳百常之觀。寶鈴朝響聲揚千秋
之宮。同符上隴。望長安之城闕。有類偃師。瞻洛
陽之臺殿。瞰連薨而如綺。雜奔木而成帷。銘曰
雲聚峰高。風清鐘徹。月如秋扇。花疑春雪。極目
千里。平原迢迢。

曠野寺碑

雲楣膠葛。桂棟陰崇。刻虬龍於洞房。倒蓮花於
綺井。月殿朗而相暉。雪宮穆以華壯。轆轤璇題。

虹梁生於暮雨。璞璞銀榜。飛觀入乎雲中。銘曰
圓璫旦輝。方諸夜朗。金盤曜色。寶鈴成響。

郢川晉安寺碑

鳳凰之嶺。芊綿暎色。蓮花之洞。照曜增暉。山云
黃鶴。疑釣天之夜響。城稱却月。似輕雲之霄蔽。
銘曰

虹梁紫柱。螭桷丹牆。綺井飛棟。華榱璧璫。應龍
若動。威鳳疑翔。玉舄霄潤。金池夕光。朱城却稅。
紫陌潛通。塹柳朝綠。江暉暝紅。落霞將暮。鮮雲

卷之五
夕布峰下陽烏。林生陰兔。分珮隔浦。皇檣隱霧。
俱聽法鐘。同觀寶聚。

攝山栖霞寺碑

金池無底。已通寶漚之側。玉樹生風。傍臨絳船。
之上。七重欄楯。七寶蓮花。通風承露。含香映日。

銘曰

苔依翠屋。樹隱丹楹。澗浮山影。山傳澗聲。風來
露歇。日度霞輕。三災不毀。得一而貞。

歸來寺碑

幡影颺於絳臺。梵聲依於應塔。三相不留。蕭蕭
終壞。八苦遐長。燈蛾未已。銘曰
鈴隨風振。盤依露泣。丹桂無枝。朱楊自剪。九苑
萌枯。三昧葉卷。疏樹搖落。飜流清淺。

南岳衡山九貞館碑

簫鼓騰空。烟霞相接。星辰奪采。燈燭非明。風牖
雲梁。千門萬戶。樓施九柱。已同瀕鄉之地。山帶
五城。復類玄州之所。玉版之經猶蘊。金丹之處
存焉。上月臺而遺愛。登景雲而忘老。欣欣然不

知所以而然。日暉石瓦。東眺靈壽之峰。月蔭玉
牀。西瞻華蓋之嶺。竹類黃金。旣歲耨而防露。未
似紅蓮。且芬披而拂日。杯傳九醞。隱淪之車晨
至。堂開四扇。西楹之鐘夜響。

青谿山館碑

原夫法象莫過於天地。著明莫過於日月。鼓之
以雷。電潤之以風雨。咸秩無文。所以名山致祭。
峻極於天。青谿山者。荆南之中岳也。隱隱干霄。
亭亭無際。雲蓋三層。如在帝臺之側。桂林八樹。

非異景山之傍。輕霞亘起。影落照於陽谿。清風
遠至。響猿鳴於巫峽。西臨百丈之穴。南帶千仞
之水。洪源湛淡。長波縈復。

隱居先生陶弘景碑

昔太和中。有許遠遊者。乃雲霄之勝賓。太虛之
選客。先生規同矩合。實踵高步。曩基先構。卽駕
胥宇。千尋危聳。憑牖以望奔星。百拱高懸。倚櫺
而觀朝日。飛流界道。似天漢之橫波。觸石起雲。
若奇峰之出岫。銘曰。

肇彼冥默。翻成協贊。身託外臣。心同有亂。重道
尊德。爰積獻衷。顧懷紛射。璽問遙通。朱楊鬱起。
華構方崇。靜臺冠月。經榭迎風。嶢嶢高棟。宵靄
脩櫳。極望山川。周觀京陸。碧嶂千嶺。清流萬谷。
景落崖重。烟生岫複。

荊州長沙寺阿育王像碑

蓋聞璇璣玉衡。窮昊所以紀物。金版玉文。涓精
所以播氣。何則。咸秩社首。義盡於寰中。鑄鼎馮
翊。未窮於系表。况復道冠萬靈。理超千聖。智周

十地行圓四等。變海成蘇。移山入芥。針鋒廣說。
藕絲見道。惠音八種。百門五色。組鉢生華。入青
樓而吐曜。金牀照采。出紫殿而相輝。纔度蓮河。
卽處天冠之寺。始遊羅衛。便居堅固之林。斯蓋
俯應閭浮。未臻常樂。降情誘接。豈窮妄相。若乃
鏡無引汲。智生淺深。明同一體。惑起十重。七地
初刃。方稱變易。三達後心。因窮智種。然俱冥四。
德脫屣雙林。示表金棺。現焚檀楮。浩浩焉不可
知。已却望五津。距青蓮之洞。傍臨三天。帶明月

之流。

莊嚴寺僧旻法師碑

夫宏才妙物、雲液之所降生、獨振孤標、倫類之所遠絕、是故隨光燭魏、非折水之恒珍、和璧入秦、豈潤山之常寶、僧旻法師、蓋天地之涓精、宇宙之瓌器、本姓孫氏、有吳開國大皇帝其先也、法師道藹二儀、德克四海、合春夏之生長、抱日月之貞明、辭旨清新、置言閑遠、千門萬尺、必臻冥奧、九部五時、若指諸掌、坦然夷易、豁爾洞開、

故緇素結轍。華戎延道。晨風之鬱北林。龍魚之
趣深澤。哲人云逝。指南誰屬。銘曰。
永離百非。聞之寂滅。苟云未樹。其歸今轍。方墳
結構。伽藍罷設。朱火一潛。青松長列。

光宅寺大僧正法師碑

昂昂千里。孰辨麒麟之蹤。汪汪萬頃。誰識波瀾
之際。望之若披雲霧。覩之如觀日月。至乃耆年
宿望。蓄思構疑。懸鐘無盡。短兵有倦。猶若分旦
望景。履水待日。莫不傾河注燭。虛往實歸。皇帝

革命受圖補天紉地轉金輪於忍土策紺馬於
閭浮逸翮方超圖南輟軌豈直盡茲相府署彼
義年方當高步仙階永編金牒繁霜凝而旦委
松風淒而暮來悲馬鳴之不及望龍樹而心哀

銘曰
澄月夜虧清氣旦卷曾巒遠岸蒼江傍緬

玄圃牛渚磯碑

竊以增城九重僊林八樹未有船如鴈鶴時度
宓妃橋似牽牛能分織女丹鳳爲羣紫柱成列

清風韻響。卽代僊歌。桂影浮池。仍爲月浦。璧月朝暉。金樓啓扉。畫船向浦。錦纜牽磯。花飛拂袖。荷香入衣。山林朝市。併覺忘歸。

善覺寺碑

金盤上疏。非求承露。玉馬前臨。竈資潤礎。飛軒絳屏。若丹氣之爲霞。綺井綠泉。如青雲之入呂。寶繩交映。無慙紫紺之宮。花臺照日。有跡白林之地。銘曰

聿遵勝業。代彼天工。四園枝翠。八水池紅。花疑

鳳翼殿若龍宮銀城映沼金鈴響風露臺含月
珠幡拂空

荊州放生亭碑

魚從流水本在桃花之源龍處大林恒捻浮雲
之路豈謂陵陽垂釣失雲失水莊子懸竿吞鈎
吞餌雖復玄龜夜夢終見取於宋王朱鷺晨飛
尚張羅於漢后譬如黃雀伺蟬不知隨彈應至
青鸛逐兎詎識杠鼎方前北海之食鸚鵡未始
非人西王之使傳信誰云賤鳥故知魚鳥一觀

何。不。如。生。欲。使。金。之。鹿。不。充。食。萍。之。宴。

墓誌

庾先生承先墓誌

悠哉掌庾。興自陶唐。伯舅居晉。連鑣渭陽。爰斯
厥後。世挺珪璋。乃登靈岳。言遵洞府。乃涉石山。
將從輕舉。實惟貞吉。實惟退讓。皎皎不羣。超超
高尚。本同壽夭。甯論得喪。諸方未遊。佳城已望。
蓬生蔣徑。鈞罷磻谿。標悲新壠。桃餘故蹊。風翻
嶺背。月下松西。揚名不朽。高蹈夷齊。

特進蕭琛墓誌銘

山東流水。關西城市。義府辭鋒。風飛雲起。游楚
宦梁。桂馥蘭芳。蓮花可賦。迺迭成章。學類五行。
書倅三篋。已研金匱。兼探玉牒。石詞既擬。樂社
茲同。桃李成徑。松栢爲叢。天地長久。永扇高風。
中書令庾肩吾墓志銘

荆山萬重。地產卞和之玉。隋流千仞。水出靈蛇
之珠。故能亂茲屈景。育斯唐宋。掌庾命族。世濟
琳琅。遂昌開國。蟬聯冠冕。父易高尚其道。肥遁
貞吉。關吏早逢。風表真人之氣。少微晚暎。還彰

隱士之星。肩吾氣識淹通。風神間逸。鐘鼓辭林。
笙簧文苑。入爲度支尚書。任同北斗。錫韓稜之
劒。朝比南宮。識鄭崇之履。余以其爲人也。瑚璉
之器。無慚垂棘。杞梓之材。有均廊廟。故贈散騎
常侍。蓋旌賢也。

侍中新渝侯墓志銘

爰始降神。誕茲初載。方琮有燭。圓珠無類。義若
聯環。文同藻繪。三分竹使。再徙建旟。朱帷自舉。
白鹿隨車。武實威邊。文能懷遠。年歌去速。時謠

來晚。昔我往矣。千駟連輶。今茲旋旆。雙鴈隨舟。
山迴素旄。水導丹旆。寂寥原野。搖落徂秋。

黃門侍郎劉孝綽墓志銘

蔡墨攸陳。有草有苗。梁荆世積。或魏或秦。積善
餘慶。時推俊民。孝乎惟孝。其德有鄰。曰風曰雅。
文章動神。鶴開阮瑀。鵬翥楊循。身茲惟屈。扶搖
未申。人罔石火。山有楸椿。佳城無曙。寒野方春。
散騎常侍裴子野墓志銘

幾原博聞。裁爲典墳。比良班馬。等麗卿雲。薰藉

既別涇渭以分聖皇御極欽賢肝顧儲后特聖
降情文苑既匹嚴朱復同徐阮如何不慙下期
不遠

太常卿陸倕墓誌銘

如金有鑛如竹有筠體二方擬知十可鄰兩升
鳳詔三侍龍樓南皮朝宴西園夜游詞峰颺
逸氣雲浮日往月來暑流寒襲東耀方遠北芒
已及墜露曉團悲風暮急

侍中吳平光侯墓志銘

惟嶽降神。表山甫之德。敬如君所。顯成季之徵。
潔靜精微。岐嶷天挺。學兼義府。談均理窟。厯太
子洗馬。八人掌籍。爲崇賢之領袖。五日來朝。冠
承華之楷模。遷豫章內史。法并鸞峰。甘露歲下。
蕭崖鶴嶺。連理成陰。徵爲太子左衛率。遘疾薨
于道。頗類陶基。民號燕北。取譬羊祜。巷哭荆南。
副軍早垂隆眄。憫其石火。瞻斯翠蓋。忽變丹旒。
方使桓侯石椁。載銘盛夏。滕令佳城。式鐫韶濩。

祭文

祭東耕文

三農九穀爲政所先萬箱億庾是曰民天繫稱
斲耜書美厥田花開杏樹凍解新泉當使黍稷
莫莫民翳胥樂甘雨祈祈遂及我私我私之熟
表裏禔福禔福中田歲取十千是薦是茲登頌
有年

釋奠祭孔子文

粵若宗師倚歟乃聖惟岳降神惟天所命上善

如水至人若鏡

祭顏子文

欽哉體一亞彼至人乍分介石時知落鱗不先
稱寶席上爲珍致虛守靜曲巷安貧欽風味道
其德有鄰

騷

秋風搖落

秋風起兮寒鴈歸、寒蟬鳴兮秋草腓、萍青兮水
澈、葉落兮林稀、翠爲葢兮玳爲席、蘭爲室兮金
作扉、水周兮曲堂、花交兮洞房、樹參差兮密稍
紫荷紛披兮疏且黃、雙飛兮翡翠並泳兮鴛鴦、
神女雲兮初度、雨班妾扇兮始藏、光且淹留兮
日云暮、對華燭兮歡未央、

日王君懷中與余相見

輒之思余曰風雨自是時必能讀書且書清令

德清餘地也而且其地與余相見必能讀書且書清令

昔然本願余而余其交余則必讀書且書清令

亦聚精舍林然學益令其然亦讀書且書清令

然風張也然則然則然則然則然則然則然則然則

然風張也

樂府

長歌行

當壚擅旨酒，一卮堪十千。無勞蜀山鑄，扶授采
金錢。人生行樂爾，何處不留連。朝爲洛生詠，夕
作據梧眠。忽茲忘物我，優游得自然。授一作受

芳樹

芬芳君子樹，交柯御宿園。桂影含秋色，桃花染
春源。落英逐風聚，輕香帶藥翻。藂枝臨北閣，灌
木隱南軒。交讓良宜重，成蹊何用言。

巫山高

巫山高不窮。迥出荆門中。灘聲下濺石。猿鳴上
逐風。樹雜山如畫。林暗澗疑空。無因謝神女。一
爲出房櫳。

關山月

朝望青波道。夜上白登臺。月中有桂樹。流景自
徘徊。寒沙逐風起。春花向雪開。夜長無與晤。衣
單誰爲裁。

向一作犯

隴頭水

街悲別隴頭。關路漫悠悠。故鄉迷遠近。征人分
去留。沙飛晚成幕。海氣夜如樓。欲識秦川處。隴
水向東流。

折楊柳

巫山巫峽長。垂柳復垂楊。同心且同折。故人懷
故鄉。山似蓮花。花似明月。光寒夜猿聲。徹遊
子淚沾裳。

洛陽道

洛陽開大道。城北達城西。青槐隨幔拂。綠柳逐

風低。玉珂鳴戰馬。金爪鬪塲雞。桑萎日行暮。多
逢秦氏妻。

長安道

西接長楸道。南望小平津。飛薨臨綺翼。輕軒影
畫輪。雕鞍承赭汗。槐路起紅塵。燕姬雜趙女。淹
留重上春。

紫騮馬

長安美少年。金絡鐵連錢。宛轉青絲鞵。照耀珊
瑚鞭。依槐復依柳。躑躅復隨前。方逐幽并去。西

北共連翩。

驄馬驅

朔方寒氣重，胡關饒苦霧。白雪晝凝山，黃雲風
埋樹。連翩行役子，終朝征馬驅。試上金微山，還
看玉關路。

劉生

任俠有劉生，然諾重西京。扶風好驚坐，長安恒
借名。菊花連夜飲，竹葉解朝醒。結交李都尉，遨
遊佳麗城。

飛來雙白鶴

紫蓋學仙成。能令吳市傾。逐舞隨疎節。聞琴應
別聲。集田遙赴影。隔霧近相鳴。時從洛浦渡。飛
向遼東城。

班婕妤

婕妤初選入。含媚向羅幃。何言飛燕寵。青苔生
玉墀。誰知同輦愛。遂作裂紵詩。以茲自傷苦。終
無長信悲。

半路谿

相逢半路溪。隔溪猶不度。望望判知是。翩翩識
行步。摘贈蘭澤若。欲表同心句。先將動舊情。恐
君疑妾妬。

採蓮曲

碧玉小家女。來嫁汝南王。蓮花亂臉色。荷葉雜
衣香。因持薦君子。願襲芙蓉裳。

吳趨行

水裏生葱翅。池心恒欲飛。蓮花逐牀返。何時乘
船歸。

燕歌行

燕趙佳人本自多。遼東少婦學春歌。黃龍戍北
花如錦。玄菟城中月似娥。如何此時別夫婿。金
羈翠眊往交河。還聞入漢去燕營。怨妾心中百
恨生。漫漫悠悠天未曉。遙遙夜夜聽嚴更。自從
異縣心同別。偏恨同時成異節。橫波滿臉萬行
啼。翠眉漸歛千重結。竝海連天合不開。那宜春
日上春臺。唯見遠舟如落葉。復看遙舸似行盃。
沙汀寂寂鶴嘯羈雌。妾心無怨生別離。翻嗟漢使

音塵絕。空傷賤妾燕南垂。

烏棲曲

沙棠作船。桂爲櫂。夜渡江南採蓮葉。復值西施新浣紗。共向江干眺月華。

其二

月華似璧星如佩。流影澄明玉堂內。邯鄲九枝朝始成。金卮玉椀其君傾。

其三

交龍成錦鬬鳳紋。芙蓉爲帶石榴裙。日下城南

兩相望。月沒參橫掩羅帳。

其四

七彩隨珠九華玉。蛺蝶爲歌明星曲。蘭房椒閣
夜方開。那知步步香風逐。

詩

登隄望水

驅馬河隄上。非謂城隅遊。懷山殊未已。徒然勞
九愁。旅泊依村樹。江槎擁戍樓。高岸翻成浦。曲
港反通舟。棗野良知歎。瓠河今可儔。願假宣尼
術。泗水却橫流。

赴荊州泊三江口

涉江望行旅。金鉦間彩旂。水際含天色。虹光入
浪浮。柳條恒拂岸。花氣盡薰舟。叢林多故社。單

戍有危樓。疊鼓隨朱鷺。長簫應紫駟。蓮舟夾鶴
髦。畫舸覆緹油。榜歌殊未息。於此泛安流。

藩難未靜述懷

玉節威雲夢。金鉦韻渚宮。霜戈臨塹白。日羽映
流紅。單醪結猛將。芳餌引羣雄。箭擁淇園竹。劍
聚若耶銅。亟覩周王駿。多逢鮑氏驄。謀出河南
賈。威寄隴西馮。谿雲連陣合。却月半山空。樓前
飄密柳。井上落疎桐。差營逢霍雨。立壘挂長虹。

和劉尚書兼明堂齋宮

質明攝上宰，詰旦乘輶軒。四圭邸蒼玉，六變舞
雲門。香浮鬱金酒，烟繞鳳凰樽。貂冕交揮映，珎
珎自相喧。微風颺清管，輕雨發陳根。新花臨御
陌，春色起天園。河間獻樂語，斯道愧能論。

和劉尚書侍五明集

帝德洽區宇，垂衣彰太平。黃唐慚懋實，子姒惡
嘉聲。治家陳五禮，功成秦六英。汲引爲宸鑒，舟
航動睿情。法王唯一法，無生信不生。因因從此
見，果果自斯明。元良仰副后，含一震鴻名。龜藏

踰啓魯。笙史冠春卿。日宮佳氣滿。月殿善風清。
綺錢蔽西觀。緹幔卷南榮。金門練朝鼓。玉壺休
夜更。宮槐當曉合。城鳥侵曙鳴。露光枝上動。霞
影水中輕。虛薄今何事。徒知戀法城。

和鮑常侍龍川館

珍臺接閑館。迢遞山之旁。多解三真術。俱善四
明方。玉題書仙篆。金榜燭神光。桂影侵檐進。藤
枝繞檻長。苔文隨溜轉。梅氣入風香。

登顏園故閣

高樓三五夜。流影入丹墀。先時留上客。夫婿笑容姿。粧成理蟬鬢。笑罷歛蛾眉。衣香知步近。釧動覺行遲。如何舞館樂。翻見歌梁悲。猶懸北窓幌。未捲南軒帷。寂寂空郊暮。非復少年時。

代舊姬有怨

寧爲萬里隔。無作死生離。那堪眼前見。故愛逐新移。未展春花落。遽被涼風吹。怨黛舒還歛。啼紅拭復垂。誰能巧爲賦。黃金妾不貲。

夕出通波閣下觀妓

詩

娥月漸成光。燕姬戲小堂。胡舞間齊閣。鈴盤出
步廊。起龍調節鼓。却鳳點笙簧。樹交臨舞席。荷
生夾妓航。竹密無分影。花疎有異香。提盃時笑
語。歡茲樂未央。

去丹陽尹尹荊州

驂駕乘駟馬。謁帝朝承明。分符蒞閩越。終然慚
勵精。

闕

又

副君垂獎眄。仁慈穆且敦。終朝陪北閤。清夜侍

西園降貴深知已。甯思食棣恩。未嘗辭畫室。誰
忍去輶轅。關

示吏民

闕里尚。撫謙瀨。鄉裁知足。咨余再分陝。少思宜。
寡欲。霞出浦。流紅。苔生岸。泉綠。方令江漢士。變
爲鄒魯俗。

後臨荊州

擁旄去京縣。褰帷辭未央。弱冠從王役。從容遊
豈張。不學胡威絹。甯挂裴潛牀。所冀方留犢。行

當息飲羊戲蝶時飄粉風花乍落香高欄來惹
氣疎簾度晚光綺錢臨仄宇阿閣繞長廊

別荊州吏民

玉節居分陝金貂總上流麾軍時舉扇作賦且
登樓年光徧原隰春色滿汀洲日華三翼舸風
轉七星旂向解青絲纜將移丹桂舟

宮殿名詩

杯間花欲然竹徑露初圓鬪雞東道上走馬北
塲邊合歡依暝卷蒲萄向日鮮旗亭覓張放香

車迎董賢。定隔天淵水。相思夜不眠。

縣名詩

長陵新市北。鄭衛好容儀。先過上蘭苑。還牽高柳枝。薄妝宜入鏡。舒花堪照池。蒲洲涵水色。椒壁雜風吹。此時方夜飲。平臺傳羽卮。

姓名詩

征人習水戰。辛苦配戈船。夜城隨偃月。朝軍逐避年。龍吟澈水度。虹光入夜圓。濤來如陣起。星上似烽然。經時事南越。還復討朝鮮。

將軍名詩

虎旅皆成陣。龍騎盡能踰。鳴鞭俱破虜。決勝往
長榆。細柳浮輕暗。大樹繞栖烏。樓船寫退鷁。檣
鳥狎飛鳧。度河還自許。偏與功名俱。

屋名詩

梁園氣色和。斗酒共相過。玉柱調新曲。畫扇掩
餘歌。深潭影菱菜。絕壁挂輕蘿。水蓮恨花晚。薔
薇嫌刺多。含情戲芳節。徐步待金波。

車名詩

長壚帶江轉，連薨映日分。佳人坐椒屋，接膝對
蘭薰。繞砌縈流水，邊梁圖畫雲。錦色懸殊衆，衣
香遙出羣。日暮輕帷下，黃金妾贈君。

船名詩

天際浮雲飛，三翼自相追。池模白鵠舞，檐知青
雀歸。華淵通轉塹，伏檻跨相磯。松澗流星影，桂
牕斜月暉。思君此無極，高樓淚染衣。

歌曲名詩

啼鳥怨別偶，曙鳥憶離家。石闕題書字，金燈飄

落花。東方曉星沒。

一作度

西山晚日斜。縠衫迴廣

袖。團扇掩輕紗。暫借青驄馬來送黃牛車。

藥名詩

戍客恒山下。常思衣錦歸。况看春草歇。還見鴈南飛。蠟燭凝花影。重臺閉綺扉。風吹竹葉袖。網綴流黃機。詎信金城裏。繁露晚霑衣。

鐵穴名詩

金椎五百里。日晚唱歸來。車轉承光殿。步上通天臺。釵臨曲池影。扇拂玉堂梅。先取中庭入。罷

逐步廊迴。下關那早開。人迎已復開。

龜兆名詩

土膏春氣生。倡女協春情。魚遊連北水。鵲作遼東鳴。折梅還插鬢。盪柱更移聲。銀燭含朱火。金鑪對寶笙。百枝凝夕燄。却月隱高城。

獸名詩

豹韜求秘術。虎略選良臣。水涉黃牛浦。山過白馬津。摧鋒上狐塞。畫象入麒麟。果下新花落。桃枝芳樹春。王孫及公子。熊席復橫陳。

鳥名詩

方舟去鵠鵲。鵲引欲相要。晨鳬移去舸。飛燕動
歸橈。雞人憐夜刻。鳳女念吹簫。雀釵照輕幌。翠
的繞纖腰。復聞朱鷺曲。鉦管雜迴潮。

樹名詩

桃李競追隨。輕衫露弱枝。杏梁始東照。柘火未
西馳。香因玉釧動。佩逐金衣移。柳葉生眉上。珠
璫搖鬢垂。逢君桂枝馬。車下覓親知。

草名詩

胡王迎娉主。塗經薊北遊。金錢買含笑。銀缸影
梳頭。初控游龍馬。仍移卷栢舟。中江離思切。蓬
鬢不堪秋。沉度菖蒲海。落月似懸鉤。

相名詩

仙人賣玉杖。乘鹿去山林。浮杯度池曲。摩鏡往
河陰。井內書銅板。竈裏化黃金。妻搖五明扇。妾
弄一絃琴。暫遊忽千里。中天那可尋。

望江中別彭

文苑英華作簡文帝。今
從藝文初學作元帝。

澄江涵皓月、水影若浮天、風來如可泛、流急不

成圓、秦鈎

一作鏡

斷復接、和璧碎還聯、裂紈依岸

草、斜掛逐行船、卽此春江上、無俟百枝然

詠霧

三晨生遠霧、五里暗城闌、從風疑細雨、映日似
游塵、乍若輕烟散、時如佳氣新、不妨鳴樹鳥、時
蔽摘花人。

春日篇

春還春節美、春日春風過、春色日日異、春情處

處多處處春芳動，日日春禽變春意。春已繁，春人春不見，不見懷春人。徒望春光新，春愁春自結。春結詎能申，欲道春園趣，復憶春時人。春人意何在，空爽上春期。獨念春花落，還似惜春時。

納涼

高春斜日下，佳氣滿欄楹。池紅早花落，水綠晚萍生。星稀月稍上，雲開河尚橫。白鳥翻帷暗，丹螢入帳明。朱綦趨北闕，玳瑁徙南榮。金鋪掩夕扇，玉壺傳夜聲。

樂元帝集 卷全
賦得涉江採芙蓉

江風當夏清。桂楫逐流縈。初疑京兆劍。復似漢冠名。荷香風送遠。蓮影向根生。葉卷珠難溜。花舒紅易輕。日暮鳬舟滿。歸來度錦城。

賦得蘭澤多芳草

春蘭本無艷。春澤最葳蕤。燕姬得夢罷。尚書奏事歸。臨池影八浪。從風香拂衣。當門已芬馥。入室更芳菲。蘭生不擇逕。十步豈難稀。

詠石榴

塗林未應發。春暮轉相催。然燈疑夜火。連珠勝
早梅。西域移根至。南方釀酒來。葉翠如新剪。花
紅似故裁。還憶河陽縣。映水珊瑚開。

看摘薔薇

倡女倦春閨。迎風戲玉除。近叢看影密。隔樹望
釵疎。橫枝斜綰袖。嫩葉下牽裾。牆高舉不及。花
新摘未舒。莫疑插鬢少。分人猶有餘。

賦得竹

嶰谷管新抽。淇園節復脩。作龍還葛水。爲馬向

并州柯亭臨絕澗。桃枝夾細流。冠學芙蓉勢。花
堪威鳳游。邛王若有獻。張騫應拜侯。

從軍行 一作王僧辯從軍

寶劒飾龍烟。長虹畫彩旃。山虛和鐃管。水靜瀉
樓船。連雞隨火度。燧象帶烽然。洞庭曉風急。瀟
湘夜月圓。荀令多文藻。臨戎賦雅篇。

詠池中燭影

魚燈且滅。燼鶴焰暫停輝。自有銜龍燭。青火入
朱屏。映水疑三燭。翻池類九微。入林如燐影。度

渚若螢飛河低扇月落霧上珠星稀章華終宴
所飛蓋且相追

晚棲鳥

日暮連翩翼俱向上林棲風多前鳥駛雲暗後
群迷路遠聲難徹飛斜行未齊應從故鄉返幾
過入蘭閨借問倡樓妾何如蕩子妻

登江州百花亭懷荆楚

極目纔千里何由望楚津落花灑行路垂楊拂
砌塵柳絮飄春雪荷珠漾水銀試酌新豐酒遙

勸陽臺人

汎蕪湖

桂潭連菊岸，桃李暎成蹊。石文如濯錦，雲飛似
散珪。橈度菱根反，船來荇葉低。颿隨迎雨燕，鼓
逐伺潮雞。

早發龍巢

征。人。喜。放。溜。曉。發。晨。陽。隈。初。言。前。浦。合。定。覺。近。
洲。開。不。疑。行。舫。動。唯。看。遠。樹。來。還。瞻。起。漲。岸。稍。
隱。陽。雲。臺。

夜宿栢齋

獨○暗○行○人○靜○。簾○開○雲○影○入○。風○細○雨○聲○遲○。夜○短○更○
籌○急○。能○下○班○姬○淚○。復○使○倡○樓○泣○。况○此○客○遊○人○。中○
宵○空○仵○立○。

落日射罷

促○宴○引○枚○。鄒○中○園○觀○獸○。侯○日○度○朔○陰○廣○。風○橫○旗○
影○浮○。移○竿○標○入○箭○。疊○鼓○送○爭○籌○。附○枝○時○可○息○。言○
從○清○夜○遊○。

後園看騎馬

良馬出蘭池。連翩驅桂枝。鳴珂隨謁駛。輕塵逐
影移。香來知驟近。汗歛覺風吹。遙望黃金絡。懸
識幽并兒。

春日 一作和劉上黃

新鶯隱葉嘯。新燕向牕飛。柳絮時依酒。梅花任
入衣。玉珂隨風度。金鞍照日暉。無令春色晚。獨
望行人歸。任一作乍

戲作艷詩

入堂值小婦。出門逢故夫。含辭未及吐。絞袖且

踟躕。搖茲扇似月。掩此淚如珠。今懷固無已。故情今有餘。

和林下詠姬應令

和昭明

日斜下北閣。高宴出南榮。歌清隨澗響。舞影向池生。輕花亂粉色。風篠雜絃聲。獨念陽臺下。願待洛川笙。

閨怨

蕩子從遊宦。思妾守房櫳。塵鏡朝朝掩。寒衾夜夜空。若非新有悅。何事久西東。知人相憶否。淚

盡夢啼中

祀伍相廟

石城甯足拒金陣。詎能追楚關。開六塞。吳兵入九圍。山水猶縈帶。城池失是非。空餘壽宮在。日暮舞靈衣。

詠風

樓上試朝妝。風花下砌傍。入鏡先飄粉。翻衫好染香。度舞飛長袖。傳歌共繞梁。欲因吹少女。還將拂大王。

詠霧

曉霧晦階前，垂珠帶葉邊。
五里浮長隰，三辰晦遠天。
傍通似佳氣，却望若飛烟。
疎簾還復密，新棟更疑連。
還思逢樂廣，能令雲霧褰。

賦得蒲生我池中

池中種蒲葉，葉影蔭池濱。
未好中宮薦，行堪隱士輪。
爲書聊可截，匹柳復宜春。
瑞葉生符苑，鏤碧獻周人。

詠雲陽樓簷柳

楊柳非花樹。依樓自覺春。枝邊通粉色。隙裏暎紅巾。帶日交簾影。因吹掃牕塵。拂簷應有意。偏宜桃李人。

五言詩

梁詞人麗句
云梁世宗作

寒浞猶稽命。新都久未平。留滯淹三楚。巘坼保一城。終當撫期運。伐罪弔蒼生。

晚景遊後園

高軒聊騁望。煥景入川梁。波橫山渡影。雨罷葉生光。日移花色異。風散水紋長。

遊後園

暮春多淑氣，斜景落高春。
日照池光淺，雲歸山望濃。
入林迷曲徑，渡渚隔危峰。

古意

妾在成都縣，願作高唐雲。
樽中石榴酒，機上蒲萄紋。
停梭還歛色，何時勸使君。

雜詠二首

秋夜

秋夜九重空，蕩子怨房櫳。
燈光入綺帷，簾影穿

屏風金徽調玉軫。茲夜撫離鴻。

寒閨

烏鵲夜南飛。良人行未歸。池水浮明月。寒風送
搗衣。願織迴文錦。因君寄武威。

和彈箏人

橫○箏○在○故○帷○忽○憶○上○絃○時○舊○柱○離○移○處○銀○帶○手○
輕○持○悔○道○啼○將○別○教○成○今○日○悲○

其二

瓊柱動金絲。秦聲發趙曲。流徵含陽春。美手過

如玉

出江陵縣還

遊魚迎浪上、
雉雉向林飛、
遠村雲裏出、
遙船天際歸、

其二

朝出屠羊縣、
夕反仲宣樓、
水滿還侵岸、
沙盡稍開流、

詠歌

汗輕紅粉濕、
坐久翠眉愁、
傳聲入鐘磬、
餘轉雜

樂府詩集
卷八
箜篌。

贈到溉洽

梁書曰時以溉洽兄弟比之二陸故世祖贈詩曰

魏世重雙丁。晉朝稱二陸。何如今兩到。復似凌寒竹。

遺武陵王詩

回首望荆門。驚浪且雷奔。四鳥嗟長別。三聲悲夜猿。

別荊州吏目

寄言謝桀黠，無乃氣干雲。安知灞陵下，復有李將軍。

其二

莫言江漢遠，烟霞隔數千。何必黃丞相，重應臨潁川。

細雨

風輕不動葉，雨細未霑衣。入樓如霧上，拂馬似塵飛。

望春詩

樂元帝集
卷八
葉濃知柳密。花盡覺梅疎。蘭生未可握。蒲小不堪書。

綠柳

長條垂拂地。輕花上逐風。露濡疑染綠。葉小未障空。

詠梅

梅含今春樹。還臨先日池。人懷前歲意。花發故年枝。

宜男草

可愛宜男草。垂采映倡家。何時如此葉。結實復含花。

細草

依堦疑綠蘼。傍渚若青苔。漫生雖欲遍。人跡會應開。

賦得春荻

翠莢玉池前。遙映江南蓮。非秋無有耗。未燒不生烟。

詠螢火

著人疑不熱、集草訝無烟、到來燈下暗、翻往雨
中然、

離合

沈寥雲物淨、水木備春光、龕定方無遠、合浦不
難航、

後園作迴文詩

斜峰繞徑曲、聳石帶山連、花餘拂戲鳥、樹密隱
鳴蟬、

賦登山馬

登山馬遙遙小小馬纔通汗赭疑霑勒衣香不
逐風何殊隴頭望遙識祁連東

古意詠燭

花中燭焰焰動簾風不見來人影迴光持向空

春別應令六首

昆明夜月光如練上林朝花色如霞花朝月夜
動春心誰忍相思不相見

其二

試看機上交龍錦還瞻庭裏合歡枝映日通風

影珠幔飄花拂葉度金池不聞離人當重合唯
悲合罷會成離

其三

門前楊柳亂如絲直置佳人不自持適言新作
裂紈詩誰悟今成織素辭

其四

日暮徙倚渭橋西正見流月與雲齊若使月光
無近遠應照離人今夜啼

其五

別罷花枝不共攀，別後書信不相關。欲覓行人寄消息，依常潮水暝應還。

其六

三月桃花合，面脂五月新。油好煎澤，莫復臨時不寄人。漫道江中無估客。

送西歸內人

秋氣蒼茫結孟津，復送巫山薦枕神。昔時慊慊應愁去，今日勞勞長別人。

宴清言殿作栢梁體

玉衡七政轉璇璣

帝

升降端揆而才非

侍中尚書僕射

臣哀澄鏡朱紫眇難追

吏部尚書臣穀

幽逼詩四首

南史曰元帝避建鄴而都江陵外迫強敵內失人和魏師至方徵兵四方未至而城見尅在幽逼求酒飲之製詩四絕後爲梁王詒所害

南風且絕唱西陵最可悲今日還蒿里終非封

禪時

其二

人生逢百六天道異貞恒何言異螻蟻一旦損

鯢鵬

其三

松風侵曉哀。霜霧當夜來。寂寥千載後。誰畏軒轅臺。

其四

夜長無歲月。安知秋與春。原陵五樹杏。空得動耕人。

梁元帝集

卷全

三

本紀

帝諱繹字世誠武帝第七子也。初武帝夢眇目僧執香鑪稱託生王宮。既而帝母在采女次侍。始褰戶幔有風回裾。武帝意感幸之。采女夢月墮懷中遂孕生帝。十三年封湘東王。歷會稽太守丹陽尹。出爲使持節都督荆湘郢益甯南梁及江雍司郢南北秦諸州軍荆江二州刺史進號鎮西將軍。太清元年三月侯景陷建鄴鎮西長史王冲等拜牋請爲太尉都督中外諸軍事。

帝不許曰吾於天下不賤甯俟都督之名帝子之尊何籍上台之位議者可斬投筆流淚不從又請爲司空以主諸侯亦弗聽九月岳陽王詵舉兵寇江陵尋遁走及簡文帝卽位改元爲太寶元年帝以簡文制于賊臣卒不遵用四月岳陽王詵自稱梁王藩于魏魏遣兵助伐襄陽二年九月簡文帝崩王僧辯等奉表勸進帝不許時巨寇尚存帝未欲卽位而四方表勸前後相屬乃下令斷表承聖元年二月王僧辯衆軍發

自潯陽帝馳檄四方購獲景封萬戶開國公絹布五萬疋三月僧辯等平景傳首江陵僧辯等復拜表上尊號帝猶固讓乙酉斬賊左僕射王偉於江陵市四方征鎮王公卿士復勸進乃許之卽位於江陵三年冬魏軍至襄陽梁王蕭譽率衆會之丁亥魏軍至柵下帝親臨陣督戰軍敗帝見執如梁王蕭譽營甚見詰辱他日乃見魏僕射長孫儉譎儉云埋金千斤於城內欲以相贈儉乃將帝入城帝謂儉曰向聊相譎欲言

耳豈有天子自埋金乎辛未魏人戕帝時年四十七太子元良始安王方略皆見害明年四月追尊爲孝元皇帝廟曰世祖帝聰悟俊朗天才英發出言爲論音響若鐘年五歲高祖問汝讀何書對曰能誦曲禮高祖曰汝試言之卽誦上篇左右莫不驚歎初生患眼武帝自下意療之遂盲一目乃憶先夢彌加愍愛及長好學博極羣書武帝嘗問曰孫策在江東于時年幾答曰十七武帝曰正是汝年爲荊州刺史起州學宣

尼廟帝工書善畫自圖宜尼像爲之贊而書之
時人謂之三絕賀革爲府諮議敕革講三禮世
祖性不好聲色頗有高名與裴子野劉顯蕭子
雲張纘及當時才秀爲布衣之交著述詞章多
行于世在潯陽夢人曰天下將亂王必維之又
背生黑子巫媪見曰此大貴兆當不可言初賀
革西上意甚不悅過別御史中丞江革以情告
之革曰吾嘗夢主上遍見諸子至湘東王手脫
帽授此人後必當璧卿其行乎革從之及太清

之難，乃能克復，故遐邇樂推，遂膺寶命矣。然性好矯飾，多猜忌，於名無所假，人微有勝已者，必加毀害。忌劉之遴，學使人鳩之，如此者甚衆。雖骨肉亦徧被其禍。始居文宣太后憂，依丁蘭作木母。及武帝崩，祕喪逾年，乃發凶問，方刻檀爲像，置殿內，事之甚謹。朝夕進蔬食，動靜必啓聞。迹其虛矯如此，性愛書籍，旣患目，多不自執卷，置讀書左右。番次上直，晝夜爲常，略無休已。雖睡倦猶不釋。五人各伺一更，恒致達曉，常眠熟。

大。將。左。右。睡。讀。失。次。第。或。偷。卷。度。紙。帝。必。驚。覺。
更。令。追。讀。加。以。撻。楚。雖。戎。略。殷。湊。機。務。繁。多。軍。
書。行。檄。文。章。詔。詰。點。毫。便。就。殆。不。游。手。常。曰。我。
韜。於。文。士。愧。於。武。夫。論。者。以。爲。得。言。魏。師。至。凡。
二。十。八。日。徵。兵。四。方。未。至。而。城。見。尅。在。幽。逼。求。
酒。飲。之。製。詩。四。絕。梁。王。肅。遣。尚。書。傳。準。監。行。刑。
帝。謂。之。曰。卿。幸。爲。我。宣。行。準。捧。詩。流。淚。不。能。禁。
進。士。囊。而。殞。之。所。著。有。孝。德。傳。三。十。卷。忠。臣。傳。
三。十。卷。丹。陽。尹。傳。十。卷。漢。書。一。百。一。十。五。卷。周。

易講疏十卷、內典博要一百卷、連山三十卷、洞
林三卷、玉韜十卷、補闕事十卷、老子講疏四卷、
全德志懷舊志荆南志、江州記貢職圖古今同
姓錄一卷、筮經十二卷、武贊三卷、文集五十卷、
初承聖二年三月有二龍自南郡城西升天、百
姓聚觀、五采分明、江陝故老竊相泣曰、昔年龍
出建康、而天下大亂、今復有焉、禍至無日矣、帝
聞而惡之、踰年而遭禍、

史臣曰、梁季之禍、巨寇憑壘、世祖時位長連率、

有全楚之資。應身率羣后。枕戈先路。虛張外援。
事異勤王。在於行師。會非百合。後方殲夷。大慙。
用甯社稷。握圖南面。光啓中興。亦世祖雄才英
略。紹茲寶運者也。而稟性猜忌。不隔疎近。御下
無術。履水弗懼。故鳳闕伺晨之功。火無內照之
笑。以世祖之神睿特達。留情政道。不怵邪說。徒
蹕金陵。左隣疆寇。將何以作。是以天未悔禍。蕩
覆斯生。悲夫。

梁元帝集

卷全

五

梁元帝集終



